


Baibuli y'abaana bato
N'ekuhikyaho

Okutandika
kw'okubonabona
kw'omuntu



Ekahandiikwa: Edward Hughes
Ebisisani bya: Byron Unger; Lazarus; Alastair P.
Ekatekanizibwa: M. Maillot; Tammy S.
Ekahindurwa: Rev. Canon. Samuel Mwesigwa
Ekaturukibwa: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

Orusa: Oyina obugabe kukoporra rundi kuhandikisa oruganikyo
runu kakuba oba otarutunde.





RUHANGA AKAHANGA BULI
KINTU! Ruhanga obu yamazire
kuhanga omuntu w'okubanza ibaralye
Adamu, akamwikaza omu rugonjo

Edeni, na mukaziwe ibara

Iye Eva. Baikaraga mu maiso
ga Ruhanga, nibamworobera


kandi baikaraga
basemerirwe,
kuhikya, ekiro
kimu ...





Enjoka ekakaguza
Eva eti: "Ruhanga
akakugamba otalirya
buli muti gwona?" Uwe
yagigarukamu ati; "nitusobora okulya
buli kijuma okwihaho kimu kyonka."
Yayongeraho ati: "Obuturakirya
rundi tukakikwataho,
nitwija kufa". Enjoka
yamugumya negamba
eti: "Timulifa."





"Mulisisana
nka Ruhanga."
Eva akegomba
ekijuma eky'omuti
ogu. Akahuliriza
enjoka kandi
yalya ekijuma.



Hanyuma ya Eva okumara
kusiisira Ruhanga, akatwarra
Adamu ekijuma, nawe yalya.
Adamu yakubaire agambire
"Nangwa! Tindukwija
kulema kworobera
Ekigambo kya
Ruhanga."





Adamu n'Eva obubamazire okusisa,
boona bakamanya nkoku bakaba batajwaire.
Bakesereka omu kisaka kuruga omu maiso ga
Ruhanga obu nibeswekerra n'amababi g'ebiti.




Omu mabeho g'orwebagyo Ruhanga akaija omu rugonjo. Akaba amanyire eki Adamu na Eva baabaire bakozere. Adamu omusango akagutekaho Eva, na Eva akagutekaho enjoka. Ruhanga akagamba ati: "Enjoka ekyenerwe kandi omukazi ararumwaga obwarabaga nazaara abaana."

"Adamu habw'okuba osisire, itaka likyenerwe n'amahwa hamu n'amakomba. Orabonabonaga kandi

oratuutukaga okutunga eby'okulya."






Ruhanga akabinga Adamu na
Eva okuruga omu rugonjo orurungi.
Habwokuba bakasiisa, nahabwekyo
bakabaganizibwamu
kuruga hali Ruhanga
rugaba bwomeezi.






Ruhanga akakora
empirima erukumurinkana
kubabingamu. Ruhanga akakorra
Adamu na Eva ebyokujwara
kuruga omu ruhu.


Ruhanga Empu
akaziiha
nkaha?




Obwiire bukahika, Adamu na Eva batunga eka.
Omwana wabu ow'okubanza bamwetaga Kaini, akaba
ali mulimi. Omwana wabu owa kabiri, ibaralye Aberi
akaba ali muliisa.




Kiro kimu Kaini akaleeta hali Ruhanga ebimu
ha byana by'ebirimwa nk'ebisembo. Aberi nawe
akaleeta entama eyabaire eri nungi muno omu
ntaama ze hali Ruhanga. Ruhanga
akasemerererwa
ekisembo kya
Aberi.



Ruhanga atasemerererwa
ekihongwa ekya Kaini. Kaini
akabihirwa muno, baitu Ruhanga
yagamba ati: "Obworakora
ekinyakuhikkire, naiwe
toikirizibwe?"



Kaini akaahura enzigu. Obusumi
obubwahingwireho, obu babaire
bali omw'irungu, akagwera Aberi
yamwita.



Ruhanga yakaguza Kaini ati: "Mugenzi wawe Aberi ali nkaha?" Kaini yamubihabiha ati: "Timanyire." "Nyowe mba mulinzi we?" Ruhanga akafubira Kaini, obu naamwihaho amaani ge g'okulima namufoora njezijezi.



Kaini akaruga omu maiso ga MUKAMA. Akaswera muhara wa Adamu na Eva baatunga eka. Obwire obubwahingwireho, abaana n'abaijukuru ba Kaini baijuza orubuga orw'akaba atandikireho.




Obu, eka ya Adamu n'Eva ekaba
negaliha bwangu muno. Busumi obu,
abantu bayomeraga kumara obusumi
bwingi kukira hati.



Eva obuyazaire omutabani ibaralye Seesi akagamba ati: "Ruhanga akampa Seesi kugaruka omu mwanya gwa Aberi": Seesi akaba ali musaija arukutina Ruhanga akoomeera kumara emyaka 912 kandi akazaara abaana baingi muno.



Abantu obubayeyongire okukanya,
obu enganda nizihindahinduka,
abantu bakeyongera kusionkara.
Hakumalira Ruhanga akacwamu
kuhwerekereeza
abantu hamu ...



... n'enyamaiswa n'ebinyonyi.
Ruhanga akeijukya habwaki
yakozi omuntu. Baitu
omusaija omu akasemeza
Ruhanga ...



Omusaaija onu ibaralye nuwe
Noha. Mwijukuru wa Seesi.
Noha, akaba ahikiriire kandi
ataina kamogo. Yarubataga
na Ruhanga.



Akegesa na batabanibe abasatu
okutina Ruhanga. Kandi Ruhanga
akakora entekaniza zokukozesa Noha
omu mulingo gw'embaganizo
kandi oguru
kuhuniriza.



Okutandika kw'okubonabona kw'omuntu

Oruganikyo kuruga mu Baibuli,
Ekigambo kya Ruhanga

Nirusangwa omu

Okubanza 3-6

"Ekigambo kyawe kituleetera okuhweza."
Zabbuli 119:130



Kumalirra



2



60



Oruganikyo runu kuruga omu Baibuli nirutumanyisa nkoku Ruhanga waitu ahuniriza kandi agonza tumumanye.

Ruhanga amanyire nkoku twakozire ebintu ebibi, by'ayeta ekibi. Ekifubiro ky'ekibi kufa. Baitu Ruhanga akugonza muno, nikyo yasindikiire Omwana we, Yesu, okukufeera ha musaraba, abonesibwe ha bw'ebibi byawe. Hanyuma Yesu yahumbuuka kandi yagarukayo omuka omw'iguru. Bw'oikiriza omuli Yesu kandi akamusaba akuganyire ebibi byawe, aija kukikora. Aija kwija aikare omuri iwe, kandi naiwe oikarege nawe obwire bwona.

Bw'oraba noikiriza ngu kinu kihikire, gambira Ruhanga oti: Omugozebwa, ninyikiriza ngu oli Ruhanga, kandi okafooka muntu, nukwo ofe habw'ebibi byange, kandi okahumbuuka hati oyomiire. Nkusaba oije omu bwomeezi bwange, onganyire ebibi byange, nsobore kuba n'obwomeezi obuhyaaka, kandi kiro kimu nyije nyikare naiwe ebiro n'ebiro. Nkonyera nkwikirize kandi nkuhurrege nyomeere habwa we ndi mwaana waawe. Amiina.

Osomege Baibuli obazeege na Ruhanga buli kiro. Yohaana 3:16

